

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE
-Stručna služba Općinskog
vijeća i Općinskog načelnika-



Broj: 01-174/10
Vareš, 22.09. 2010. godine

Z A P I S N I K
s 21. sjednice Općinskog vijeća Vareš,
održane 03.08. 2010. godine

Josip Malbašić – predsjedavajući Općinskog vijeća Vareš, otvorio je 21. sjednicu s početkom u 9 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Jelena Kuhač Odenwald, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić i Jelena Zlobec.

Odsutni vijećnici: Milan Knežević i Nikola Šimić.

Pored vijećnika sjednici prisustvuju: općinski načelnik Hamdo Fatić, tajnik Općinskog vijeća Leon Pavlović, pomoćnici općinskog načelnika, općinska pravobraniteljica Sanja Pavlić, predsjednici političkih stranaka, direktori JP i JU Željka Petrović, Zafer Kamenjaš, Sead Parić i predsjednik Nadzornog odbora JP „Vareš-Stan“ d.o.o. Vareš Dragan Pranjić.

Tajnik Općinskog vijeća izvijestio je Vijeće o realizaciji Zaključaka s prošle sjednice Vijeća i dostavljenim odgovorima na vijećnička pitanja. OV je donijelo 11 Zaključaka, 2 Zaključka su realizirana i 9 Zaključaka su u toku realizacije, jer nisu vremenski određena. Od 8 postavljenih vijećničkih pitanja, odgovoreno je na 6 pitanja, a na 2 vijećnička pitanja nije dostavljen nikakav pismeni odgovor, niti Služba ima podatke da su nadležni odgovorili na postavljena vijećnička pitanja sa prošle sjednice Vijeća. Vijeće je na 20. sjednici usvojilo i jednu Preporuku upućenu prema JU „Dom zdravlja“ Vareš. Tajnik Općinskog vijeća napomenuo je da je izrađeno Izvješće o realizaciji programa rada Općinskog vijeća za I polugodište 2010. godine i da će Izvješće biti po programu kako je to i predviđeno u rujnu mjesecu tekuće godine. Isto tako obavijestio je Vijeće da će kroz Izvješće o realizaciji programa rada Općinskog vijeća za I polugodište 2010. godine kao prilog Izvješća biti evidencija o usvojenim Zaključcima na sjednicama OV, a koji nisu realizirani, sa precizno utvrđenim izvršiocima i tekstom, odnosno formom tog Zaključka koje je usvojilo Vijeće.

Općinski načelnik Hamdo Fatić izvijestio je Vijeće o aktualnoj problematici na području općine Vareš. Upoznao je Vijeće da su tenderi na lokalnim cestama općine Vareš u toku, 17.08. 2010. godine izlazi termin, Komisija je formirana i sve ide svojim tokom. Izvijestio je Vijeće da je u realizaciji 200.000 KM za regionalni put. Također je izvijestio Vijeće da se radovi na OŠ u Varešu privode kraju. Oko 15.08. 2010. godine, američka vojska, koja je angažirana na radovima u OŠ Vareš će završiti radove, tako da će školska godina

početi na vrijeme. Općinski načelnik upoznao je Vijeće da u gradu trenutno rade volonteri iz Švicarske zajedno sa djecom iz OŠ Vareš i SŠC „Nordbat 2“ na uređenju parkova. I na kraju je zamolio Vijećnike da anketni listić za projekat GAP-a, koji su dobili na današnjoj sjednici ispune i predaju referentu OV.

(Vijećnička pitanja)

Elvir Rožajac

1. Kada će se pustiti u funkciju javni WC na platou pijace, pošto je davno urađen?
2. Šta je sa uličnom rasvjetom u MZ Ravne?

Tajiba Brkić

3. Zašto se ne poprave kvarovi na vodovodu u MZ Budoželje?

Džemo Kevrić

Podsjetio je općinskog načelnika da nije dobio odgovore na ranije postavljena vijećnička pitanja koja se odnose na rješavanje problema prostorija za rad kluba i stranke BPS i problem radova na sanaciji dijela lokalnog puta Stiježevo – Kokošćići, sa napomenom da je krajnje vrijeme da se put sanira.

Ismet Abdulahović

4. Da li postoji mogućnost postavljanja jednog ogledala u V. Majdanu-Prnjavor u ulici koja ide prema stadionu NK Vareš?

Podsjetio je na svoje pitanje postavljeno na prošloj sjednici Vijeća u vezi natkrivanja autobuskih stajališta.

Majda Muftić

5. Kada će konačno krenuti sanacija puta Lovački dom – Ligatići, posebno napominje dio puta gdje je klizište?

Mario Mirčić

6. Mogu li se postaviti ogledala na lokalnom putu Vareš – Daštansko na ranijim lokacijama u naselju Tisovci i Kolonija, stubovi postoje samo treba postaviti ogledala?
7. Kada će se završiti ulična rasvjeta u preostalim naseljima MZ Pržići, naselje Kolonija i Pržići?

Nakon vijećničkih pitanja na raspravu je stavljen zapisnik s 20.sjednice Općinskog vijeća.

Nije bilo primjedbi predsjedavajući je stavio na izjašnjavanje zapisnik, a nakon izjašnjavanja vijećnika konstatira da je **jednoglasno usvojen zapisnik s 20. sjednice Općinskog vijeća Vareš.**

Na raspravu je stavljen prijedlog dnevnog reda iz poziva za 21. sjednicu OV.

Vijećnik Elvir Rožajac predložio je da se prva (1.) točka povuče sa dnevnog reda današnje sjednice.

Zaključena je rasprava i predsjedavajući OV je stavio na glasanje prijedlog vijećnika Elvira Rožajca.

Nakon izjašnjavanja vijećnika konstatira da predloženi **prijedlog nije usvojen.**

Predsjedavajući OV stavio je na glasanje predloženi dnevni red iz poziva za 21. sjednicu OV.

Nakon izjašnjavanja vijećnika konstatira da je sa 14 glasova ZA i 5 SUZDRŽANIH glasova, **usvojen s l i j e d e ć i**

Dnevni red

1. **Prijedlog Odluke o povjeravanju na upravljanje i korištenje vodovoda pitke vode Mjesne zajednice Ravne, JKP d.o.o. Vareš.**
2. **Prijedlog Odluke o prestanku rada JU „Centar za kulturu i edukaciju“ Vareš.**
3. **Davanje suglasnosti predsjedavajućem OV za potpisivanje Memoranduma o razumijevanju između Centra civilnih inicijativa i općine Vareš u realizaciji projekta Revitalizacija mjesnih zajednica.**
4. **Izvješće o radu JU „Centar za kulturu i edukaciju“ Vareš za period 01.01.2009. – 31.12.2009. godine.**
5. **Izvješće o radu JPU „Dječije obdanište“ Vareš za period 01.01.2009. – 31.12.2009. godine.**
6. **Informacija o registriranim nevladinim organizacijama i udruženjima građana na području Općine Vareš, njihove aktivnosti i rad u 2009. godini.**
7. **Informacija o vodoopskrbi i odvozu smeća na području Općine Vareš.**
8. **Izvješće o radu Etičke komisije Općinskog vijeća Vareš.**
9. **Informacija o neprovođenju Zaključaka sa 19. i 20. sjednice OV koja se odnose na JKP d.o.o. Vareš i JP „Vareš-Stan“ d.o.o. Vareš.**
10. **Tekuća pitanja.**

Ad. 1.

(Prijedlog Odluke o povjeravanju na upravljanje i korištenje vodovoda pitke vode Mjesne zajednice Ravne, JKP d.o.o. Vareš).

Otvorena je rasprava u kojoj su učestvovali vijećnici: Elvir Rožajac, Dženana Bešić, Džemo Kevrić, Mario Mirčić, Ismet Abdulahović, Jelena Kuhač Odenwald, Jelena Zlobec i Ivan Lučić, predsjedavajući OV Josip Malbašić, općinski načelnik Hamdo Fatić, pomoćnici općinskog načelnika Ermin Musa i Rusmir Berberović te predsjednik HDZ Vareš Zdravko Marošević.

Zaključena je rasprava i predsjedavajući OV stavio je na glasanje Prijedlog Odluke o povjeravanju na upravljanje i korištenje vodovoda pitke vode Mjesne zajednice Ravne, JKP d.o.o. Vareš.

Nakon izjašnjavanja vijećnika konstatira da sa 7 glasova ZA, 7 PROTIV i 4 SUZDRŽANA glasa **nije usvojen**

Prijedlog Odluke o povjeravanju na upravljanje i korištenje vodovoda pitke vode Mjesne zajednice Ravne, JKP d.o.o. Vareš

Ad. 2.

*(Prijedlog Odluke o prestanku rada
JU „Centar za kulturu i edukaciju“ Vareš.)*

Stav Komisije za statutarna pitanja i propise je:

1. Da se u preambuli prijedloga Odluke u prvom redu navede tekst „Na osnovu članka 52. stavak 1. točka 2. Zakona o ustanovama“ ostali tekst preambule ostaje isti,

2. Da se u članku 3. prijedloga Odluke doda novi stavak 2. koji glasi „Sve obaveze i potraživanja koja su nastala u JU „Centar za kulturu i edukaciju“ Vareš do prestanka rada preuzet će osnivač“.

Predstavnik predlagača – pom. načelnika Rusmir Berberović iznio je kratko obrazloženje za ovu točku dnevnog reda i upoznao Vijeće da je predlagač prihvatio prijedloge Komisije za statutarna pitanja i propise, čime oni postaju sastavni dio Odluke.

Otvorena je rasprava u kojoj su učestvovali vijećnici: Elvir Rožajac, Dženana Bešić, Džemo Kevrić, te predsjednik pol. stranke Zdravko Marošević.

Zaključena je rasprava i predsjedavajući OV stavio je na glasanje Prijedlog Odluke o prestanku rada JU „Centar za kulturu i edukaciju“ Vareš.

Nakon izjašnjavanja vijećnika konstatira da sa 1 glasom ZA, 5 PROTIV i 12 SUZDRŽANIH glasova **nije usvojen**

***Prijedlog Odluke o prestanku rada
JU „Centar za kulturu i edukaciju“ Vareš***

Ad. 3.

(Davanje suglasnosti predsjedavajućem OV za potpisivanje Memoranduma o razumijevanju između Centra civilnih inicijativa i općine Vareš u realizaciji projekta Revitalizacija mjesnih zajednica.)

Otvorena je rasprava u kojoj su učestvovali vijećnici: Elvir Rožajac, Ismet Abdulahović, Dženana Bešić, te pom. načelnika Rusmir Berberović.

Zaključena je rasprava i predsjedavajući OV stavio je na glasanje ovu točku dnevnog reda, Davanje suglasnosti predsjedavajućem OV za potpisivanje Memoranduma o razumijevanju između Centra civilnih inicijativa i općine Vareš u realizaciji projekta Revitalizacija mjesnih zajednica.

Nakon izjašnjavanja vijećnika konstatira da **jednoglasno usvojeno**

Davanje suglasnosti predsjedavajućem OV za potpisivanje Memoranduma o razumijevanju između Centra civilnih inicijativa i općine Vareš u realizaciji projekta Revitalizacija mjesnih zajednica

Ad. 4.

(Izvješće o radu JU „Centar za kulturu i edukaciju“ Vareš za period 01.01.2009. – 31.12.2009. godine.)

Predlagač nije imao potrebu za dodatnim obrazloženjem.

Otvorena je rasprava u kojoj je učestvovala vijećnica Dženana Bešić.

Zaključena je rasprava i predsjedavajući OV stavio je na glasanje Izvješće o radu JU „Centar za kulturu i edukaciju“ Vareš za period 01.01.2009. – 31.12.2009. godine.

Nakon izjašnjavanja vijećnika konstatira da je sa 17 glasova ZA i 2 SUZDRŽANA glasa **usvojeno**

***Izvješće o radu JU „Centar za kulturu i edukaciju“ Vareš
za period 01.01.2009. – 31.12.2009. godine***

Ad. 5.

*(Izvješće o radu JPU „Dječije obdanište“ Vareš
za period 01.01.2009. – 31.12.2009. godine)*

Predstavnici JPU „Dječije obdanište“ Vareš nisu bili prisutni na današnjoj sjednici Vijeća i predsjedavajući OV izvijestio je Vijeće da se ova točka skida sa dnevnog reda sukladno sa Zaključcima Vijeća da se ne raspravlja o materijalima kada predlagač nije prisutan na sjednici.

Ad. 6.

(Informacija o registriranim nevladinim organizacijama i udruženjima građana na području Općine Vareš, njihove aktivnosti i rad u 2009. godini.)

Predlagač nije imao potrebe za dodatnim obrazloženjem.

Po ovoj točki dnevnog reda nije bilo rasprave i predsjedavajući je na glasanje stavio Informaciju o registriranim nevladinim organizacijama i udruženjima građana na području Općine Vareš, njihove aktivnosti i rad u 2009. godini.

Nakon izjašnjavanja vijećnika konstatira da sa 7 glasova ZA i 12 SUZDRŽANIH glasova **nije usvojena**

Informacija o registriranim nevladinim organizacijama i udruženjima građana na području Općine Vareš, njihove aktivnosti i rad u 2009. godini

Ad. 7.

(Informacija o vodoopskrbi i odvozu smeća na području Općine Vareš.)

Predlagač nije imao potrebe za dodatnim obrazloženjem.

Otvorena je rasprava u kojoj su učestvovali vijećnici: Elvir Rožajac, Ivan Lučić, Ismet Abdulahović i Tajiba Brkić.

Zaključena je rasprava i predsjedavajući OV stavio je na glasanje Informaciju o vodoopskrbi i odvozu smeća na području Općine Vareš.

Nakon izjašnjavanja vijećnika konstatira da je sa 16 glasova ZA i 1 SUZDRŽANIM glasom **usvojena**

Informacija o vodoopskrbi i odvozu smeća na području Općine Vareš

Ad. 8.

(Izvyješće o radu Etičke komisije Općinskog vijeća Vareš)

Predlagač, predsjednica Etičke komisije Općinskog vijeća Vareš Dženana Bešić obrazložila je ovu točku dnevnog reda.

Po ovoj točki dnevnog reda nije bilo rasprave i predsjedavajući OV stavio je na glasanje Izvyješće o radu Etičke komisije Općinskog vijeća Vareš.

Nakon izjašnjavanja vijećnika konstatira da je sa 14 glasova ZA, 2 glasa PROTIV i 1 SUZDRŽANIM glasom **usvojeno**

***Izješće o radu Etičke komisije
Općinskog vijeća Vareš***

Ad. 9.

*(Informacija o neprovođenju Zaključaka sa 19. i 20. sjednice OV
koja se odnose na JKP d.o.o. Vareš i JP „Vareš-Stan“ d.o.o. Vareš)*

Otvorena je rasprava u kojoj su učestvovali vijećnici: Elvir Rožajac, Ivan lučić, Jelena Zlobec, Dženana Bešić, predsjedavajući OV Josip Malbašić, općinski načelnik Hamdo Fatić, direktorica JP „Vareš- Stan“ d.o.o. Vareš Željka Petrović, te predsjednik HDZ Vareš Zdravko Marošević.

Zaključena je rasprava i predsjedavajući OV stavio je na glasanje prijedlog zaključka vijećnika Ivana Lučića kojim se **predlaže Općinskom vijeću da insistira da se Zaključci Vijeća ispoštuju i s tim da rok za realizaciju Zaključaka vezanih za JKP d.o.o. Vareš i JP „Vareš-Stan“ d.o.o. Vareš bude 01.10. 2010. godine.**

Nakon izjašnjavanja vijećnika predsjedavajući OV konstatira da je sa 16 glasova ZA i 1 SUZDRŽANIM glasom **prijedlog usvojen.**

A.d. 10.

(Tekuća pitanja)

Predsjedavajući OV za današnju sjednicu nije imao obraćanje.

1. Vijećnik Mato Pavić upoznao je OV o dijelu Odluke za odobravanje sredstava za dodjelu stipendija redovnim studentima I ciklusa studija sa područja ZDK u akademskoj 2009/2010 godini i o konačnoj listi studenata koji su stekli pravo na stipendiju u akademskoj 2009/2010 godini Općine Vareš. Mišljenja je da je naša općina Vareš dobila malo sredstava za dodjelu stipendija i predlaže Općinskom vijeću da donese zaključak kojim se **zadužuje općinski načelnik i nadležne službe da pripreme protestni dopis koji će se uputiti Vladi ZDK-Ministarstvo obrazovanja, kulture i sporta, koji se odnosi na iznos odobrenih sredstava za dodjelu stipendija redovnim studentima na području općine Vareš, u akademskoj 2009/2010 godini.**

Otvorena je rasprava u kojoj su učestvovali vijećnici: Dženana Bešić, Mato Pavić, Ismet Abdulahović, predsjedavajući OV Josip Malbašić, općinski načelnik Hamdo Fatić i pom. načelnika Rusmir Berberović.

Zaključena je rasprava i predsjedavajući OV stavio je na glasanje predloženi zaključak vijećnika Mate Pavić.

Nakon izjašnjavanja vijećnika konstatira da je predloženi zaključak **jednoglasno usvojen.**

2. Vijećnik Džemo Kevrić podsjetio je Vijeće da je u toku potpisivanje ugovora o izvođenju radova na lokalnim cestama u općini Vareš, odnosno proces tendera. Mišljenja je da izvođači radova koji su radili prošle godine na pojedinim lok. cestama, nisu uradili adekvatno sanaciju cesta i traži da Općinsko vijeće, ako je to u nadležnosti Vijeća, onemogući dalji rad tim izvođačima na lokalnim cestama. Isto tako traži da se utvrdi da li je potpisan prijem radova na dosadašnjem dijelu puta u MZ Striježevo, smatra da nije adekvatno urađena sanacija puta.

Otvorena je rasprava u kojoj su učestvovali vijećnici: Elvir Rožajac, Dženana Bešić, Mato Pavić, Džemo Kevrić, Majda Muftić, predsjedavajući OV Josip Malbašić, općinski načelnik Hamdo Fatić i pomoćnik načelnika Ermin Musa.

Zaključena je rasprava i predsjedavajući OV stavio je na glasanje prijedlog zaključka vijećnika Džeme Kevrića, **da se tenderskoj Komisiji u ZE-DO kantonu dostave primjedbe o dosadašnjim izvođačima radova na području općine Vareš, tamo gdje ima primjedbi i da to imaju na uvid za dalje poslove koji slijede kod izvođenja radova na lokalnim cestama općine Vareš.**

Nakon izjašnjavanja vijećnika predsjedavajući konstatira da je predloženi prijedlog sa 14 glasova ZA i 1 SUZDRŽANIM glasom **usvojen.**

Sjednica je završena u 14,00 sati.

T A J N I K

Leon Pavlović

PREDSJEDAVALAČI

Josip Malbašić

ZAPISNIČAR

Azra Ibrahimović